

## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

§.1. Cor Christi crucifixi triclinum esse animarum sanctorum.

[urn:nbn:de:hbz:466:1-47123](#)

tates; ut eas nobis partim adumbret, omnes similitudinum amenitatis accersit, rerumq; ac vorum illecebras, in hunc ferè modum erumpens in quadam sua de vulnere lanceæ meditatione. *Exivit, inquit, sanguis & aqua ad mundi peccata sananda. O fluvius egrediens de paradyso, ad irrigandam universam superficiem terra! o pretiosissimum vulnerum, quod amoris potius cauterio, quam inimicæ lanceæ ferro apertum est!* porta cali, fenestra Paradiſi, locus quietis, turris fortitudinis, iustorum sanctuarium, nidus turturum sanctarum, sepultura peregrinorum, lectulus floridus Sponsæ Salomonis! *Salve divini lateris vulnera amabile, quo piorum corda sauciantur;* plaga iustorum mentes vulnerans; rosa miræ pulchritudinis, carbunculus valoris inestimabilis, aditus ad cor JESU, argumentum amoris ejus, & pignus vita sempiterne. Sic ibi.

Ex quibus omnibus licet h̄c obiter colligere: quanta sint in celo deposita gaudia Christum amantibus; quando tam ineffabilibus exundant lætitias, in sola contemplatione Dominicæ passionis. Nam si ea adest pijs mentibus gaudiorum ubertas in via; immo in exilio, in valle misericordie & lacrymarum: quid illis censemus reservari in patria? Si hæc in umbra, & quadam divina caligine: quid in luce & splendoribus sanctorum? Si ista in complexu crucis, quid experientur in ipso sinu divinitatis? Sed de his haec tenus.

## CAPUT XVIII.

*De delicijis animæ sanctæ, in corde Christi, una cum ipso epulantis.*

§. I.

*Cor Christi crucifixi, triclinium esse animarum sanctorum.*

XII

Dice-

cap. 6. Conf. mon.

**D**icebat magnus Basilius, eum qui verè Philosophus fit  
(hoc est, studio virtutis & spirituali exercitationi de-  
ditus) habere in se naturale quoddam Monasteriū, seu veluti  
quendam lōcum secretum, aut recessum cordis; quō sei-  
tumultu recipiat rerum sacerularium, & ubi etiam inter tur-  
bas, tanquam in magna solitudine versetur.

Eiusmodi ego naturale seu non manufactum Monasteriū  
dico animæ piæ esse ipsum Christum crucifixū; quem  
illa si secum assidue mente circumferat, inveniat in illo vs-  
lū sanctam quandam solitudinem, in qua jam non modis  
secura requiescat à strepitu & turbis hujus saeculi, sed arca-  
nas etiam delicias atque ineffabiles experietur.

*l. de pan. c. 7.* Atque hic jam mihi venit in mentem, Petri Abbatis  
Cellensis ingeniosum commentum; qui quodam in loco agens  
de cœlesti patria, ait: beatas mentes, in ipso Christo  
Iesu Sponso suo, omnes spiritualis cuiusdam Monasterij seu  
Cœnobij partes ac membra reperi. Illis siquidem refectio-  
nis locum seu triclinium esse pectus Iesu; sinum Iesu esse  
dormitorium; vultum Iesu, oratorium; latitudinem, lon-  
gitudinem, sublimitatem & profundum Iesu, illis esse pro-  
claustro; consorium Iesu & aliorum beatorum, pro capi-  
tulo, ut vocant; sermones Iesu divinissimos de Sanctissime  
Triadis & Incarnationis sua arcanis, pro auditorio. Hzc  
ille: quæ, si cui id placuerit, difficile non erit, ad Christum  
crucifixum, & animam adhuc peregrinantem, proportione  
quadam accommodare. Nam huic quidem certe pro tricli-  
nio assignabimus, ipsum Christi cor vulneratum atque a-  
pertum, in quo (uti modò demonstravimus) sapore divino  
& delicijs fruatur incogitabilibus; faciem Christi crucifixi,  
pro loco oratorio, quod eam par sit, tum aliàs semper in  
Christi oculis ac presentia agere, tum vero maximè piz  
commentationis preicationis tempore, in vultu Crucifixi  
habitare; sinum Christi pro dormitorio, ubi cum dilecto  
disci-

discipulo reclinet caput, & dulci sopore obdormiscat sancte contemplationis; pectus Christi pro claustro, in quo abscondita mundo lateat, eorum omnium quæ foris aguntur secura; crucem denique aut Calvariæ rupem, pro auditorio, pro capitulo. Ista enim, ut post dicemus, exedra quædam sunt aut schola omnis ascetica sapientiae, in qua luculenter, non agenda duntakat præcipiuntur, verum etiam quæ pravè gesta sunt, redarguuntur, & quid corrigendum emendandum sit, discitur.

Addere libet verbis pauculis, quod hic etiam suggerit Joannes Justus Lanspergius in Pharetra divini amoris: ubi

L. 1. p. 5.

sum ascetam ita informat, ut in Christi crucifixi vulneribus certas sibi tanquam officinas constituant: & in vulnera quidem pedis dextri, sibi balnei instar apparet; in vulnera sinistri, pharmacorum inveniat salutarium apothecam; in plaga manus dextræ sanctorum virtutum & meritorum Christi vestiarium, in plaga sinistræ tutum propugnaculum adversus hostes, sive instructissimum omnis armaturæ spiritu-alis armamentarium; ac demum cordis vulnus sit illi thalamus, in quo, amore casto, Sponso suo cœlesti conjungatur. Hæc ille.

Attamen, quod hic propriè contendimus, video etiam S. Gertrudem, cum similiter in Christi membris spiritualis L. 3. c. 28. eujusdam Cœnobij partes sibi deligeret, ipsomet Christo suggerente, cor ejus pro templo, & refectionis ac quietis loco habuisse: similiterq; à S. Bernardo, in quadam rhythmica membrorum Christi salutatione, de qua postea, divinum Crucifixi pectus non amoris tantum domicilium, sed humilium quoque triclinium appellari.

Porrò cum vicissim ipse Christus, cor fœse purè ac castè amantis veluti triclinium suum reputet, in quo libenter cum anima dilecta coenet, reficiatur, delicietur: hinc subnasci potest amatorij cujusdam exercitij, & blandæ interaman-

tes

*Cant: 2.* tes collusionis occasio; dum sese Christus ad dilectam animam, & illa è contra sese ad cor Christi invitat, rursusque ad sese alter alterum. Quo modo illa dilecta in Cantico, quæ sese anteà à Sponso invitata meminit, & introductam in cellam vinariam, postmodum eundem invitata ad se, primum ad hortenses delicias, fructus pomorum & favum melis, mox ad lautiora genialis thalami cupedia, vinum conditum, & mustum malorum granatorum.

*Cant: 5.* *Cant: 8.* *Apoc: 3.* Quem etiam sensum habere videntur illa Christi in Apocalypsi: *Cenabo cum illo, & ipse tecum;* hoc est, apud me; nimis vicissim à me postea invitatus.

*Prof: 9.* Et quamvis harum arcanarum blanditiarum ratio, non tam arte tradi, quam amore magistro disci soleat: Libet tamen affectuum hujusmodi paradigma aliquod eviditer, præformatum subjcere, & (quod ait Scriptura divina) dare occasionem sapienti.

## § 2

*Desiderium animæ amantis, & in Crucifixi cor ingredi, & una cum illo resicci ac deliciari affectans.*

*Cant: 5.* **Q**uam in rem in primis animo fingere arque imaginari potes, puerum J esum (quemadmodum subinde in pictabillis exprimi solet) nudulum, suā onustum cruce, fertō spino coronatum, & stillantem sanguine, adstantem ad fores cordis tui, introgredi affectantem; ut dolores tuos tecum in corde communicet, in eōq; tanquam molli lectulo, quietis nonnihil & solatij aucupetur. Quo quidem habitu pulsantem illum, tanto antè visa est describere sponsa, cùm diceret: *Vox dilecti mei pulsantis: aperi mibi sororem meam, amica mea, immaculata mea: quia caput meum plenum est rorore, & cincinni mei guttis noctium.* Quo verò rore, nisi resicci sui sanguinis? aut quarum noctium guttis, nisi passionis & do-